

《華陀醒世七寶金經》

淨三業神咒（以下神咒各誦三遍）

身中諸內境。三萬六千神。動作履行
藏。前劫並後業。願我身自在。常住
三寶中。當於劫壞時。我身常不滅。¹
誦此真文時。身心口業皆清淨。急急
如律令。

淨心神咒

太上台星。應變無停。驅邪縛魅。保

命護身。智慧明淨。心神安寧。三魂
永久。魄無喪傾。急急如律令。

淨口神咒

丹朱口神。吐穢除氛。舌神正倫。通
命養神。羅千齒神。卻邪衛真。喉神
虎噴。氣神引津。心神丹元。令我通
真。思神鍊液。道炁常存。急急如律
令。

淨身神咒

靈寶天尊。安慰身行。弟子魂魄。五
臟玄冥。青龍白虎。隊仗紛紜。朱雀
玄武。侍衛我身。急急如律令。

淨天地神咒

天地自然。穢氣分散。洞中玄虛。
晃朗太元。八方威神。使我自然。
靈寶符命。普告九天。乾羅答那。
洞罡太玄。斬妖縛邪。渡人萬千。
中山神咒。元始玉文。持誦一遍。

卻病延年。按行五嶽。八海知聞。
魔王束水。侍衛我軒。兇穢蕩盡。
道炁長存。急急如律令。

安土地神咒

元始安鎮。普告萬靈。嶽瀆真官。
上下祈神。左社右稷。不得妄驚。
回向正道。內外澄清。各安方位。
備守家庭。太上有命。搜捕邪精。
護法神王。保衛誦經。皈依大道。

元亨利貞。急急如律令。

(恭請)

華佗仙師寶誥

志心皈命禮(三稱)

千秋高士。三國名醫。學貫歧黃之術。刀圭蓋世。心懷蒼赤之仁。藥物濟人。明八卦之真機。通三才之妙義。遭奸曹之害。靈歸神仙之府。盡忠漢之思。位列閭苑之班。古今稱羨。世代尊崇。佐三期之普度。拯萬

劫之沉淪。大悲大願。大智大仁。
玄都仙客三界醫王，濟生渡苦仁術天
尊。

(敬誦)

華陀醒世七寶金經 志心皈命禮

天地生人有七寶。全於一身調養好。
血氣精神體髮膚。吩咐生民重寶珠。
人生珠寶在如何。氣血精神慎勿勞。
身體髮膚受父母。不敢毀傷孝始多。

父母惟其疾之憂。能體親心孝者流。
固守精神調氣血。一生無病是真修。
天道難容奸淫類。淫孽行多面憔悴。
不從正道剝元良。惡疾身歿盈天罪。
吾有良方濟萬民。不濟奸淫罪惡人。
罪惡之人包天膽。奸拐滅倫偽亂真。
吾有剗腸洗胃方。總醫忠孝善賢良。
不忠不孝難求藥。藥也無靈是淡湯。
吾有穿胸換骨丹。總醫忠孝善良班。

不良不善難求藥。藥到無靈悔萬難。
當年曹賊患頭風。不聽醫言死病中。
關帝刮骸因中毒。療醫蜀傑大英雄。
奸者何其奸。回生無藥入秦關。
忠者何其忠。續命多方立漢功。
人能學道行良善。先從氣骨早修練。
修到己身七寶全。無災無害世流傳。
體健康人享大年。愛惜精神寡慾先。
慾寡神清精氣足。圖呈福壽永綿延。

百歲修行不是奇。淨心淨口念菩提。
明鏡臺前時拂拭。不受塵埃半點披。
時逢劫數起刀兵。梟惡奸刁罪貫盈。
愧無片善人間立。神壇求赦總無情。
莫謂無情卻有情。不忍不教戮誅人。
知汝愚頑農圃輩。從頭喚醒出迷津。
人成大善尋何路。家有雙親先養顧。
不孝父母善念虧。不和兄弟心如獸。
行成大惡在何方。見色思淫罪莫當。

奸淫孀婦人妻女。神天不赦此癡狂。
人若癡狂惡孽多。殀年折壽罪難逃。
名登黑籍謄烏筆。禱地呼天禁網羅。
心清心淨洗邪淫。逐去邪心立善心。
修橋補路憐孤寡。福有攸歸禍不侵。
金經一卷非閒說。說出斯民優與劣。
優者自優善自由。劣者自劣心自拙。
優劣總由人自為。勤修百善增門楣。
一舉首登龍虎榜。十年身到鳳凰池。

(醒世七寶金經終)

敬誦

東天華仙翁嚴禁心經

先天曰：

太上大天尊。世受漢朝天。

存台皆由命。護法四海邊。

一一誦千遍。早晨須用意。感避妖魔

出外邊。虔心意動全戒法。七寶金身

進華筵。

感動青天扶持報。孝義忠君緊相連。
得吾心經守戒法。削骨療醫在世間。
尊恩一命安天下。萬里祥光振玉連。
天堂朝暮賜。那時見我前。誰人朝暮
誦。暮誦守志堅。見我容易日。壽滿
人先天。兒孫皆昌盛。富貴共相連。
如人須用日。奉誦七寶篇。意樂文華
殿。苦辛不惜言。神中有顯應。污穢
近不前。此經救末劫。末劫避災愆。

此經救急難。急難出羅關。此經救病者。病者得安然。家宅奉此經。妖魅不相侵。行人佩此經。誰路保安全。書生看此經。進步慶遐齡。婦人誦此經。輪回轉男身。榮華須富貴。福祿增佳音。若為亡化唸。亡化拔雲庭。開天闢地至。未有我傳經。吾賜東天在。奉請望來臨。通傳天下闊。挽勸世間人。渡盡諸惡事。嫖賭大罪人。

口舌唆弄輩。罪犯一千斤。殺人與放
火。永不轉人身。暗箭汝不謹。永世
不成人。陰刑千般苦。苦海不容情。
孽鏡分毫照。不穩半分深。誰人知勸
化。速速改前因。回頭向善道。善道
七寶經。榮華同賜福。死後得神庭。
人民勤作業。耕行苦作身。公平由天
命。鑒察有遊神。夜差黑煞帥。日令
皎潔兵。達上三天內。轉奏玉冊心。

惡黨千萬計。何有福隨身。善功千萬
記。富貴得相侵。善惡全分界。諸神
不隱情。

今世修為後世德。或登神道可安居。
或是輪回登省內。一生心樂不憂虛。
凡民信得吾奉勸。定有清風明月題。
諸神壽誕千般奉。獨我孤神古來稀。
凡民欲祝吾壽誕。十二月終唸三題。
通傳開誦經典界。吾心歡受一夢時。

此卷真經蒙行化。百煞潛藏事事宜。
青松樹下無人見。勸得回頭得見時。
再嘆凡民塵世界。紅塵世界得煩辛。
流樂嫖花中難舍。禍患災殃得臨身。
急行大善修因果。天眼昭昭不可欺。
吾卷真經仙法在。隨時開誦勿違遲。
正氣浩然須用力。此中嚴禁是心經。
戒法內中開誦念。真哉誦念慶遐齡。

（嚴禁心經終）